

» che qua se radunava el Mazor Conseggio, dopo qualche giro,
 » finalmente el se ze messo rimpetto alla renga, e vedendo che la era
 » coperta de polvere, el ghe l'ha fatto osservar, e *questa*, el ga ditto,
 » *ze quella polvere, che indica la perfetta tranquillità, che regna in*
 » *sto logo, che no ze disturbada da continue pericolose question; tran-*
 » *quillità, che ze la più bella caratteristica de una Repubblica. Sta*
 » *polvere significa, che le vesti di chi parla, non la scuote e non la fa*
 » *andar via e che su sto logo ghe ze una felice solitudine.* Se sto egre-
 » gio cittadin fosse in sti tempi, condusendo in sta sala i forestieri,
 » el li doverave far scampar da sto logo.

» Ma ze ormai tempo, che col confronto della controversa pro-
 » posizion cerchi de persuaderle a volerla tutti, e a dar quiete a così
 » pericolosa question.

» Ma dise el Contarini, che no ze esaurido in tutto el so eccita-
 » mento. Sto benemerito cittadin ha eccità el Mazor Conseggio, la
 » Signoria; ma per far tutto quel, che l'ha ditto, ghe vol assae.
 » Convien alla Signoria el circoscriver, el guardar, se in una parte
 » l'ha ditto ben, nell'altra nò. Questo ze un' esame, che in esecu-
 » zion del comando spetta alla Signoria. El la chiama equivoca la
 » proposizion; che par, che la fassa tutto, e no la fa gnente. Perchè,
 » el dise ello, se commette al Senato, e non ai so ministri nobili?
 » Come l'ha ditto, poderà deliberar el Senato, se no l'abbia, chi ghe
 » porti le deliberazion? Come ghe poderà esser portade le delibe-
 » razion se non ze eccitadi i eccellentissimi savj? El Senato eccel-
 » lentissimi Signori, ze un nome, ma un nome, che acquista autorità
 » dai magistrati, che lo forma e lo compone, e dai ragionamenti dei
 » cittadini nelle materie. El se raccoglie a posta due volte alla set-
 » timana. I suoi magistrati versa sulle materie, e co i ha versà, i
 » porta el frutto dei so studj al Senato. Le ghe ne abbia un' esempio.
 » El magistrato dei V. Savj versa su qualche affar; el so ministero
 » cerca i lumi su questo, li presenta al magistrato i li esamina, i li
 » discute, ciascun dise la so opinion, finalmente i risolve, i forma la
 » scrittura e i la presenta ai eccellentissimi Savj. Questi i la porta in